



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IGREYIDI 12

ISINDEBELE ILIMI LOKUTHOMA LOKWENGEZA (FAL)

IPHEPHA LESITHATHU (P3)

FEBHERBARI/MATJHI 2017

IMITLOMELO: 100

ISIKHATHI: Ama-iri ama- $2\frac{1}{2}$

Iphepheli linamakhasi asi-6.

YELELA

1. Iphepheli LINEENGABA EZINTATHU, u-A, B kanye NESIGABA-C.

ISIGABA A:	Amatheksthi wokuzitlamela (Ama-eseyi)	(50)
ISIGABA B:	Amatheksthi amade wokuthintana	(30)
ISIGABA C:	Amatheksthi amafitjhani wokuthintana	(20)
2. Phendula umbuzo OWODWA esigabeni NGASINYE.
3. Tlola ngelimi obuzwe ngalo.
4. Thoma umbuzo NGAMUNYE ekhasini ELITJHA.
5. Kufuze uthome ngokutlola okukodwa kwalokhu: umebhengqondo, umgwalo/amaflowutjhadi/amagama amummongo. Kumele kuvele nanyana kubonakale NGAPHAMBI kwe-eseyakho.
6. Isikhathi esiphakanyisweko sokuphendula isigaba ngasinye:

ISIGABA A:	Pheze imizuzu ema-80
ISIGABA B:	Pheze imizuzu ema-40
ISIGABA C:	Pheze imizuzu ema-30
7. Nombora iimpendulo zakho njengobana zinonjorwe ephepheni lemibuzo.
8. Ngileyo naleyo pendulo ayinkelwe isihloko sayo.
9. Ungasibali isihloko nawubala amagama owatlolileko.
10. Tlola ngesandla esihle nesibonakalako.

ISIGABA A: AMATHEKSTHI WOKUZITLAMELA (AMA-ESEYI)**UMBUZO 1**

Khetha isihloko ESISODWA utlole i-eseyi engaba magama ali-190–240.

Kufuze uthome ngokutlola okukodwa kwalokhu: umebhengqondo, umgwalo/amaflowutjhadi/amagama amummongo. Kumele kuvele nanyana kubonakale NGAPHAMBI kwe-eseyakho.

- | | | |
|-----|--|-------------|
| 1.1 | 'Azange ngikholve amehlwami bona ngimi lo owehlelwe litjhudu elingaka'. Tlola i-eseyi ngesihlokwesi. | [50] |
| 1.2 | Tlola i-eseyi egcina ngamagama athi: 'Angekhe ngisabuyelela ngiyenze into efana naleya'. | [50] |
| 1.3 | Ngendlela ubujamo bezinto bungakhona eSewula Afrika kubonakala kuqakathekile bona abantu bavowude ngesikhathi samakhetho. Vumelana namkha uphikisane nesihlokwesi. | [50] |
| 1.4 | Ubuhle nobumbi bokufunda ngeenqhema nanilungiselela iinhlahlubo. | [50] |
| 1.5 | Kubonakala sele kunokungabekezelelani phakathi kweenhlangano zezepolotiki enarheni yeSewula Afrika. Tlola i-eseyi uveze amazizwakho ngesihlokwesi. | [50] |
| 1.6 | Izinto engingazilungisa epilwenami nange nginganikelwa ithuba lesibili. | [50] |

- 1.7 Qalisisa iinthombe ezilandelako, bese ukhethe ESISODWA uztlamale i-eseyi uyinikele nesihloko.

TJHEJA: Isithombe ne-eseyakho azikhambisane kuhle.

1.7.1



[Sithethwe ku-www.images.com]

[50]

1.7.2



[Sithethwe ku-www.images.com]

[50]

IMITLOMELO YESIGABA A:

50

ISIGABA B: AMATHEKSTHI AMADE WOKUTHINTANA**UMBUZO 2**

Khetha isihloko ESISODWA bese utlola ngaso amagama abe ma-80–100.

2.1 INCWADI YOBUNGANI

Umzawakho udlale indima ekulu ekulungiseleleni umnyanya wokugidinga ilanga lakho lamabeletho. Mtlolele incwadi umthokoze.

[30]

2.2 I-AJENDA NAMAMINITHI WOMHLANGANO

Endaweni yangekhenu kunabentwana abanengi abasebenzisa iindakamizwa, nina nimkhandlu welutjha nibambe umhlangano bona ningabasiza njani abentwanabo. Tlola i-ajenda namaminithi womhlangano lowo.

[30]

2.3 I-INTHAVYU

Uvakatjhelwe mntwana kamzawakho omlingisi keminye yemidlalo kamabonakude ethandwa khulu lapha eSewula Afrika, nawe unetjisakalo yokuba mlingisi. Tlola i-inthavyu ephakathi kwakho naye.

[30]

2.4 I-ATHIKILI KAMAGAZINI

Tlola i-athikili uyelelise ilutjha nabafundi ngeendlela zokuhlela isikhathi sabo sokufunda nesokwenza ezinye zezinto ngokulinganako.

[30]

IMITLOMELO YESIGABA B: 30

ISIGABA C: AMATHEKSTHI AMAFITJHANI WOKUTHINTANA**UMBUZO 3**

Khetha isihloko ESISODWA bese utlola ngaso amagama abe ma-60–80.

3.1 IFLAYA

Udorhodera wesikhumba uvule indawo ethengisa imihlobo eyahlukahlukeneko yeensemjenziswa zokuthogomela isikhumba. Ukubawe bona utlole iflaya ulemukise umphakathi ngendawo leyo. [20]

3.2 IPOSKARADA

Tlolela udadwenu ohlala eKapa iposkarada bona afike kwenu azokugidunga nani ilanga lokupha ababelethi benu isipho esihle enibenzele sona. [20]

3.3 IMILAYELO

Umakhelanekhenu uthenge ikoloyi, yeke ukubawe bona kube nguwe ozomhlanzela ikoloyi leyo. Tlola imilayelo akulayele bona uyilandele lokha nawuhlanza ikoloyakhe. [20]

IMITLOMELO YESIGABA C: 20
INANI LOKE: 100